

○ ○ ○

von MEIERN Acta P. W. t. 4. l. 25. §. 26.

§. XXXVI.

Temperamentum, quod huic rei adhiberi optimum visum est, fuit, vt ad proxima de contributionibus materia remitteretur Comitia. Hoc facto ipsi Imperatoris legati, Euangelicorum verbis vni sequentem Suecis exhibuerunt d. 14. Maii de suffragiorum valore formulam:

In causis religionis, omnibusque aliis negotiis, vbi Status tanquam unum corpus considerari nequeunt, vt etiam Catholicis et Augustanae Confessionis statibus in duas partes euntibus, sola amicabilis compositio lites dirimat, non attenta votorum pluralitate: Quod autem ad pluralitatem votorum in materia collectorum attinet, quum haec res in praesenti congressu decidi non potuerit, ad proxima comitia remissa esto.

von MEIERN Acta P. W. t. 4. l. 29. §. II.

§. XXXVII.

Haec igitur Euangelicorum verba ab ipsis Catholicis, post multas deliberationes approbata et instrumento P. O. inserta non possunt aliter, nisi ex Protestantium mente intelligi.

§. XXXVIII.

Sunt vero ex mente Euangelicorum negotia, in quibus Status tamquam unum corpus considerari non possunt